

Date : 17 Ogos 2013
Title : Empat 'rappers' berwawasan
Publication : Harian Metro
Page : 12

Empat 'rappers' berwawasan

Joe Flizzow, Altimet, DJ Fuzz dan Waris kini lebih fokus kepada kerjaya

Waris makin popular

Kalau diikutkan perjalanan karier anak muda dikenali sebagai Waris ini baru saja bermula.

Namun, ekoran fenomena lagu Rembau Most Wanted, pemilik nama penuh Muzammil Alias ini semakin meniti populariti.

Katanya, dia bertuah dengan rezeki dan kepercayaan mengejut yang dimilikinya kini.

"Awalnya saya akui agak terkejut dan penat juga dengan populariti mengejut ini. Tapi lama-kelamaan saya mula menyesuaikan diri dengan kehidupan baru ini," katanya.

Sambung Waris yang kini popular dengan lagu Botingkek, bagaimanapun keutamaan pada waktu ini tetapi diberikan pada pengajian dalam bidang kejuruteraan di Universiti Tenaga Nasional (UNITEN).

"Saya kena bahagikan masa dengan betul. Tak kiralah sibuk atau penat mana pun kerana kerjaya ini, pengajian saya tetap nombor satu.

"Pengajian sekarang masih ada serahun setengah untuk dihabiskan, jadi sebab itu saya jarang ambil persembahan nyanyian pada hari biasa kecuali hujung minggu," katanya.

Apa pun, kata Waris, kini beberapa projek besar membabitkan kerjaya nyanyian menanti untuk dilancarkan.

"Lepas ini saya akan rakam lagu baru termasuk sebuah lagu duet dengan Datuk Hattan. Tapi kena tunggu lah, saya akan kongsi butiran tidak lama lagi," katanya.

